



Sud Bosne i Hercegovine

Суд Босне и Херцеговине

Broj: Su-08-334/20

Datum: 30.11.2020. godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine ("Službeni glasnik BiH", broj: 82/05) na preporuku Stalne komisije za javne nabavke Suda Bosne i Hercegovine broj: Su-08-333/20 od 30.11.2020. godine u otvorenom postupku javne nabavke računarske opreme i opreme za prenos podataka za **LOT 1 Računar** – JRJN 30213300-8, donosim

ODLUKU

o izboru trećerangiranog ponuđača za nabavku računarske opreme i opreme za prenos podataka za **LOT 1 - Računar**

član 1.

Stavlja se van snage Odluka o izboru drugorangiranog ponuđača za nabavku računarske opreme i opreme za prenos podataka za **LOT 1 - Računar** broj: Su-08-324/20 od 24.11.2020. godine kojom je izabran ponuđač „**ALF-OM**“ d.o.o. **Banja Luka**, sa sjedištem na adresi Vojvode Radomira Putnika 38 Istočno Sarajevo, po ponudi ovog ponuđača broj: 36/20 od 29.09.2020. godine za ponudenu cijenu nakon sprovedene e-aukcije od **16.200,00 KM** bez PDVa.

Prihvata se preporuka komisije za javne nabavke broj: Su-08-333/20 od 30.11.2020. godine o izboru trećerangiranog ponuđača "**ROBERT'S PLUS**" d.o.o. **Sarajevo** kao trećem najbolje ocijenjenom ponuđaču sa sjedištem na adresi Marka Marulića 2/V, po ponudi broj: 3009-20-S LOT 1 od 30.09.2020. godine i nakon sprovedene e-aukcije za ponudenu cijenu od **16.600,00 KM** bez PDV-a .

član 2.

Prijedlog ugovora za nabavku računarske opreme i opreme za prenos podataka za LOT 1 - Računar dostavit će se na potpis novoizabranom ponuđaču "**ROBERT'S PLUS**" d.o.o. **Sarajevo** po isteku roka od 15 dana računajući od dana kada su svi ponuđači obavješteni o izboru najpovoljnije ponude.

član 3.

Izabrani ponuđač je dužan da u roku od 5 dana od dana zaprimanja obavještenja o rezultatima ovog postupka javne nabavke, dostavi dokaze o ispunjavanju uslova lične sposobnosti prema članu 45. stav 1. kako je zahtjevano tenderskom dokumentacijom za predmetni postupak javne nabavke.

Član 4.

Ova odluka objavljuje se na internetskoj stranici Suda Bosne i Hercegovine i stupa na snagu danom donošenja te se dostavlja svim ponuđačima koji su učestvovali u postupku javne nabavke u skladu sa članom 70. Stav 6. Zakona o javnim nabavkama.

član 5.

Za realizaciju ove odluke zadužuje se Komisija za javne nabavke.

Obrazloženje


Postupak javne nabavke pokrenut je Odlukom o pokretanju postupka nabavke opreme po lotovima broj: Su-08-178/20 od 24.08.2020. godine. Javna nabavka je provedena putem otvorenog postupka za dostavu ponuda broj: Su-08-192/20, a procijenjena vrijednost javne nabavke računarske opreme i opreme za prenos podataka za LOT 1– Računar je 19.200,00 KM bez PDV-a. Obavještenje o nabavci objavljeno je na portalu javnih nabavki pod brojem 243-1-1-36-3-18/20 od 03.09.2020. godine zajedno sa tenderskom dokumentacijom. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke računarske opreme i opreme za prenos podataka za LOT 1 – Računar. Komisija je blagovremeno i pravilno izvršila javno otvaranje ponuda dana 01.10.2020. godine i sačinila Zapisnik sa otvaranja ponuda koji je proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće: da je blagovremeno pristiglo ukupno sedam (7) ponuda (ALF-OM d.o.o., ELUR d.o.o., ROBERT'S PLUS d.o.o., TIME CODE d.o.o., DIGITARIJA d.o.o., REBUS d.o.o., KODEKS d.o.o.), da nije bilo neblagovremeno zaprimljenih ponuda; da su ponude ponuđača ALF-OM d.o.o., ELUR d.o.o., ROBERT'S PLUS d.o.o., DIGITARIJA d.o.o., REBUS d.o.o. i KODEKS d.o.o. ocijenjene prihvatljivim u skladu sa tenderskom dokumentacijom dok je ponuda ponuđača TIME CODE d.o.o. ocijenjena neprihvatljiva jer ponuđač u ponudi nije dostavio propisno popunjen nacrt ugovora (ponuđač je nacrt ugovora popunio na način da nije unio sve bitne elemente ugovora u skladu sa formom koja je data u Aneksu 5 Tenderske dokumentacije, te zahtjevima definiranim tačkom 27. Tenderske dokumentacije). Za ovaj postupak je predviđena e-aukcija. Sve prihvatljive ponude (ALF-OM d.o.o., ELUR d.o.o., ROBERT'S PLUS d.o.o., DIGITARIJA d.o.o., REBUS d.o.o. i KODEKS d.o.o.), su unesene na web portal javnih nabavki BiH “e-nabavke“, e-aukcija je zakazana dana 16.10.2020. godine, a održana dana 19.10.2020. godine sa početkom u 10.00 sati i završetkom u 10.30 sati. U toku e-aukcije došlo je do podnošenja novih ponuda. Nakon završetka e-aukcije sa web portala javnih nabavki BiH “e-nabavke“ kreiran je izvještaj o toku i završetku e-aukcije (početna i konačna rang lista) prispjelih ponuda u kojem je utvrđeno da je prvorangirana ponuda ponuđača “DIGITARIJA“ d.o.o. Sarajevo sa cijenom od 16.100,00 KM bez PDV-a, drugorangirana je ponuda ponuđača “ALF-OM“ d.o.o. Banja Luka sa cijenom od 16.200,00 KM bez PDV-a, trećerangirana je ponuda ponuđača “ROBERT'S PLUS“ d.o.o. Sarajevo sa cijenom od 16.600,00 KM bez PDV-a, četvrtorangirana je ponuda ponuđača “KODEKS“ d.o.o. Sarajevo sa cijenom od 18.600,00 KM bez PDV-a i petorangirane su ponude ponuđača “ELUR“ d.o.o. Kiseljak i “REBUS“ d.o.o. Sarajevo sa istom ponuđenom cijenom od 19.200,00KM bez PDV-a. U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH,

podzakonskim aktima, internim aktima i tenderskom dokumentacijom. Nakon okončanja e-aukcije nesporno je da je prvorangirani ponuđač "DIGITARIJA" d.o.o. Sarajevo izabran primjenjujući kriterij najniže cijene koja je ponuđena u iznosu od 16.100,00 KM bez PDV-a te je u skladu sa nevedenim donesena Odluka o izboru najpovoljnijeg ponuđača za nabavku računarske opreme i opreme za prenos podataka za LOT 1 - Računar broj: Su-08-251/20 od 28.10.2020. godine kojom je izabran ponuđač „DIGITARIJA“ d.o.o. Sarajevo. Nakon izbora najpovoljnijeg ponuđača „DIGITARIJA“ d.o.o. Sarajevo, izabranom ponuđaču, drugorangiranom ponuđaču "ALF-OM" d.o.o. Banja Luka, trećerangiranom ponuđaču „ROBERT'S PLUS“ d.o.o. Sarajevo, i svim ostalim ponuđačima u postupku upućeno je obavještenje o odluci broj: Su-08-274/20 zajedno sa odlukom o izboru ponuđača broj: Su-08-251/20 za predmetni postupak dana 28.10.2020. godine. Ponuđač "DIGITARIJA" d.o.o. Sarajevo je dana 23.11.2020. godine uputio dopis u kojem komisiju za javne nabavke suda obavještava da odustaje od realizacije odluke po izboru za LOT 1 – Računar jer nije u mogućnosti ispoštovati traženi rok isporuke računara od 45 dana zbog više sile uzrokovane pandemijom Corona virusa i da ugovor dodijelimo drugom ponuđaču. Po primitku obavještenja, komisija za javne nabavke se sastala dana 24.11.2020. godine i konstatovala da se izabranom ponuđaču "DIGITARIJA" d.o.o. Sarajevo ne može dodijeliti ugovor te je predložila da se ugovor dodijeli drugorangiranom ponuđaču u postupku nakon okonačane e-aukcije a to je ponuđač „ALF-OM“ d.o.o. Banja Luka a prema članu 72. stav (3) tačka c) Zakona o javnim nabavkama. Odluku o izboru (broj: Su-08-324/20) drugorangiranom ponuđaču „ALF-OM“ d.o.o. Banja Luka komisija za javne nabavke je poslala dana 24.11.2020. godine. Ponuđač "ALF-OM" d.o.o. Sarajevo je dana 26.11.2020. godine uputio dopis vezano za odluku po izboru za LOT 1 – Računar u kojem komisiju za javne nabavke suda obavještava da ne može ispoštovati rok isporuke računara od 45 dana kako je predviđeno tenderskom dokumentacijom, zbog više sile uzrokovane pandemijom Corona virusa. Po primitku obavještenja, komisija za javne nabavke se sastala dana 30.11.2020. godine i konstatovala da se izabranom ponuđaču "ALF-OM" d.o.o. Banja Luka ne može dodijeliti ugovor te predlaže da se ugovor dodijeli trećerangiranom ponuđaču u postupku nakon okonačane e-aukcije a to je ponuđač „ROBERT'S PLUS“ d.o.o. Sarajevo, prema članu 72. stav (3) tačka c) Zakona o javnim nabavkama. Pregledom zapisnika o ocjeni ponuda i izvještaja o završenoj e-aukciji utvrđeno je da je trećerangirani ponuđač "ROBERT'S PLUS" d.o.o. Sarajevo sa cijenom od 16.600,00 KM bez PDV-a pa je komisija za javne nabavke dala preporuku da se isti izabere kao trećerangirani najpovoljniji ponuđač u postupku. U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor trećerangiranog ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Nakon okončanja e-aukcije nesporno je da je trećerangirani ponuđač "ROBERT'S PLUS" d.o.o. Sarajevo izabran primjenjujući kriterij najniže cijene koja je ponuđena u iznosu **16.600,00 KM** bez PDV-a.

Iz navedenih razloga, primjenom člana 64. stav (1) tačka b) i člana 72. stav (3) tačka c) Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od deset (10) dana od prijema ove odluke.



PREDSJEDNIK SUDA
Ranko Debevec